

Regional News Unit AIR Aizawl
Wednesday, April 17, 2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- Mizorama Lok Sabha member thlanna neih tur atana campaign hun chu waviin tlai dar 5 ah a tawp ang.
- Tunhnai chhovah Mizorama Petrol leh Diesel bakah eichawp thil dang Myanmar ram chung, Rakhine State ah tamthamtak phurhluh a ni chu an ngawihmawh thu Lawngtlai Dist a pawl hrang hrang ten an sawi.
- Chhatisgarh-ah Moaist hel mi 29 sipaiten an kaphlum.
- UAE leh Oman ah ruahsur nasa avangin mipui nunphung a khaihlak nasa hle

<><><>

SVEEP

Mizorama Lok Sabha member thlanna neih tur atana campaign hun chu waviin tlai dar 5 hian a tawp dawn a, hun tlem an la neih chuhin political party te chuan theihtawp chhuahin vote an zawng zui a ni

Ni 19-a Lok Sabha member thlanna vote thlak tur hian vote nei chin te an thawh chhuah vek theihna turin sorkar lam pawhin campaign nen tan a la a, Aizawl Zemabawk ah District Election Officer Pi Nazuk Kumar hovin vote thlak tura mipui sawmin Street Campaign neih a ni a. Systematic Voters Education and Electoral Participation hmalakna in Zemabawk bazaar kawnah vengchung thalai te hnenah election pawimawhna chungchang inhrilhhriatna neih a ni.

DEO Pi Nazuk Kumar chuan kalkhawmte hnenah chuan thalaite'n vote thlak leh election an ngaih pawimawh a tul a ti a, tun dinhmunah India ram mipui zinga a tam ber chu thalaite an nih avangin mipui sawrkarna ram a nihna humhim turin thalaite an pawimawh a ti a. Mizoram chuan MP pakhat chuah a neih avanga MP inthlan hi pawimawh ta lo riau anga ngaih na a awm theih thu sawiin, mi pakhat chauh pawh state hmasawna atan mi pawimawh lutuk a ni a ti a, MP thlan kawngah tih tak zetna nen vote thlak a tul a ti.

Kolasib district-ah pawh SVEEP kaltlangin Two Wheeler Rally buatsaih a ni a. Pu John LT Sanga, Deputy Commissioner chuan hun kaihruiin Kolasib khaw chung a sawrkar pisa hrang hrang a thawktute kawngzawh tur hian lo an tel a, Diakkawnah vote thlak tur a thu tiam lakna hun neih a ni.

SVEEP kaltlang a vote thlak tur a mipuite zirtirna tur a Kolasib khaw chung a 2-Wheeler Rally buatsaih a nih bak ah hian Kawnpui Govt. Higher Secondary School-ah Pu Samuel Lalrinawma, Lecturer, SVEEP Resource Person chuan SVEEP Young Voter Awareness Program neih puiin Quiz hmang a inelna kalpui a ni ani.

Champhaiah chuan District Election Office leh Sub-Hqrs. MHIP Champhai tangkawp chuan MHIP member-te tan inthlan kaihnawih hriattur pawimawh leh vote thlak pawimawhzia inzirtirna SVEEP Campaign MHIP Building, Old DC Complex-ah an buatsaih a.

He hun hi Pi Lalhmachhuani, President, Sub-Hqrs. MHIP, Champhai chuan a a kaihruai a ni.

<><><>

ELECTION

Puan tawh angin Inthlan thawhkhatna Zirtawpnia neih turah hian State leh UT 21 chhunga Parliament bial 102 ah vote thlak a ni ang.

<><><>

MPSC

MPSC hnalak hrang hrangah diklo tam tak a awm ni a MZP in a sawi chungchang chhui anih dawn avangin MZP in MPSC office kai tur an dan chu an tawpsan a,

MPSC pisa kai tur an dan hi nimin a ni hnihna thleng khan an chhonzawm a, nimin zing dar 8 atangin MPSC Office kai tur an dang tan a, MPSC hnathawktute tumah office kal luih tum an awm lo a, boruak muanawm tak hnuaiah hun hman a ni.

Nimin vek khan MZP hruaitute chuan hmalak chhonzawm zel dan tur ngaihtuahin a thukhawm a, Mizoram sawrkar Vigilance Department-in MPSC hnalak dana thil fello awmte chhuitu tur Inquiry Officer (I.O) atan Pu M. Lalmanzuala IAS pension, Mizoram Chief Secretary leh MPSC Chairman lo ni tawh a ruat chu lawmawm an tih thu a sawi a. Dikna duhmi, mi huaisen a nih avangin MZP chuan Inquiry Officer hi a ringtawk a, ngun takin a hmalak dan a ngaichang dawn a ni, an ti.

Inquiry Officer-in zalen taka hna a thawh theih nan leh, chak zawka hna a thawh theih nan MZP chuan MPSC Office kawta punkhawm chu neih chhonzawm rih loh nise a ti a bawk a. Chhui chianna hna thawh a nih chung chuan, MPSC Office chu khar a, tumah hna thawk lo turin MZP chuan thuneitute a ngen nghal bawk a ni.

<><><>

MYANMAR

Tunhnai chhovah Petrol leh Diesel bakah eichawp thil dang Lawngtlai District chhung a mi leh District pawnlam a mi chu, Lawngtlai District paltlangin Myanmar ram chhung, Rakhine State ah tamthamtak phurhluh a ni reng a, hemi chungchangah hian Central YLA Office - ah Central Young Lai Association Kumpulan Committee kaihruihana hnuaiah, Lawngtlai District Legal Metrology, LADC Revenue Department leh Lawngtlai District Consumer Protection Association ten Joint Meeting neiin Lawngtlai town chhunga Petrol pump Pali bakah Bungtlang South atangin Petrol leh Diesel thahnem tak Myanmar lamah phurhluh thin a nih vanga mipui ten harsatna an tawh chungchang chu ngaimawhawm an tih thu an sawi, Joint Committee Meeting chuan DCSO Lawngtlai leh Lawngtlai DC hnenah mipuite tawrhna a thlenloh nan hmala tura ngen tha an ti.

Nitin eichawp mamawh hrang hrang, tamtham tak nitin Myanmar lama phurhluh thin a nih vanga mipui tawrhna thleng palh maithei a awm ni a hriaiin, Joint Meeting chuan thuneituten hma la thuai se an duh thu an sawi baw.

Hetihlai hian nimin khan Central YLA Kumpulan Committee chuan ngenna siamin, thenawm rama Oil leh bungrua thawnluh chu mipui himna leh khawsak phungah harsatna thleng palh thei a nih theih vangin vawiin atangin tiamchin awmlovin Myanmar a Oil leh bungrua thawnlut thinte chu tawpsan turin an ngen a ni.

<><><>

AIZAWL SP PRESS CONFERENCE:

Aizawl SP Pu Rahoo Alwal chuan tunhnaia Aizawl hmun thenkhata mi thil ruk ching mi pahnih an man thu a sawi.

Nimin khan Aizawl SP Conference Hall-ah chanchinbu mite hmaah a sawi, Aizawl SP chuan Aizawl chhunga Police Station hrang hranga rukruk thubuai paruk chu a ti tu thuhmun a ni tih chhuichhuah a ni tih a sawi a, Vohbik Malsawmdawngzela, kum 23 mi Darlung khua tuna Zemabawk a khawsa mek chu Aizawl PS-a case pahnih, Bawngkawn PS a case pathumah leh Kulikawn PS a case pakhatat te a inhnamhnawih ngei a ni tih finfiah a ni, a ti.

Pu Rahoo Alwal chuan Mizoram State Election Officer Pu Madhup Vyas a chenna Quarter MINECO-a thirsakawr bo an chhui naah Malsawmdawngkima kum 33 Bungkawn veng a khawsa chuan a ruk ngei thu leh hemi bakah hian Aizawl Police Station-a rukruk thubuai pathumah a inhnamhnawih thu a sawi baw.

Aizawl SP chuan tunlaiin Aizawl khawpui chhungah rukruk a hluar hle ni a sawiin chhung tin te fimkhur lehzual turin a chah a, mimal leh tlawmngai pawlte chu ruk ruk venna leh a man chhuahna kawngah, CCTV camera tun ai a hmang uar deuh deuh tura a duh thu a sawi baw.

<><><>

KHAWZAWL

Khawzawl KVK te chuan Training leh thlai chi semna hun Neihdawnah nimin khan an buatsaih a, kuthnathawktu mi 53 vel an kalkhawm a ni.

He hun hi Pu Chawngkhuma Vegetable Growers President-in a kaihruaia, Dr Malsawmkimi Senior Scientist & Head leh Pu Rambuatsaiha SMS (Agronomy) KVK Khawzawl chuan zirtirirna an pe a ni.

He training ah hian Indian Agricultural Research Institute, North Eastern Hill Region (IARI- NEH) hnuai atangin thlai Changkha leh fanghma chi chu kuthnathawktute hnen ah hian pek chhuah ani a, kuthnathawktu kalkhawmte hi hun engemawchen atanga hma lo la tawh, hlawm lian zawka thar chhuak thei tura thlan chhuah te an ni.

<><><>

SAITUAL ASF

Saitual khaw chhungah vawk engemawzat a thi tawh a, heng vawk thih chhan hi African Swine Fever (ASF) a ni tih finfiah a nih avangin hri hmuhna hmun hi INFECTED AREA a puan a ni.

Infected Area atanga vawk, vawksa leh vawksa atanga thil siam reng reng phurh chhuah emaw, lakluh khap tlat a ni a, Vawk thi reng reng paih mai lova thuk takah chinai nen phum ngei ngei tur a ni a, Vawk hralh emaw, talh emaw khap tlat a nih bakah Vawk thi an awm in AH & Vety Department Official te hnenah hriattir vat tur tiin AH & Vety Office chuan thuchhuah a siam a ni.

<><><>

CHHATISGARH MAOIST ENCOUNTER

Chhatisgarh-ah Moaist hel mi 29 sipaiten an kaphlum. Nimin khan Kanker district-a Bastar division ah inkahna hi thlengin BSF sipai pathumin hliam an tuar bawk a. Tun tum hi Chhatisgarh-a Maoist te leh sipaite inkahna thlengah ala lian ber nia thudawn a ni.

Sipai leh Maoist-te inkahna hmunah hian silai 15 man a ni bawk.

<><><>

FLOOD IN UAE AND OMAN

UAE leh Oman ah ruahsur nasa avangin mipui nunphung a khaihlak nasa hle a. Hmun tam takah tui a len avangin mipui veivahna lamah harsatna tawh a ni a. Oman-ah chuan tuilian avanga thi engemawzat an awm tawh a ni.

Nimin zing lam khan ruah baw hawk sur leh tek tla nasa chuan UAE hmun tam takah tui a tilian a, thuneitute chuan mipuite pawn chhuak lo tur leh mahni ina awm hrih turin ngenna a ti chhuak a. Dubai Airport ah pawh thlawh thlawk tur 17 lai thulh a ni bawk.

Oman ah chuan tuilian avangin mi 18 an thi tawh a. Midang chin hriatloha bote zawn hna ngawrh taka kalpui mek a ni bawk. Oman-a tuilian avanga thi zingah hian Kerala mi Sunilkumar Sadandan pawh a tel nia hriat a ni.

<><><>

VOTE JINGLE

Kan hma lawka Lok Sabha inthlana vote thlak turah hian khua leh tui, vote nei zawng zawngte mahni mawhpurhna a ni tih hriaa vote thlak vek turin kan insawm e.

<><><>